

S **Afi. 1.25** **LO**
Di Pueblo

BRIYANDO FUERTE • TRECIENDO CLARIDAD
 DIAHUEBS 29 FEBRUARI 2024

**GOBIERNO DI ARUBA A INICIA
 E PROCESO OFICIAL PA
 TRANSFORMA EX-EDIFICIO
 DI OM DEN ORANJESTAD PA
 APARTAMENTO PA STUDIANTE**



WWW.SOLODIPUEBLO.COM



SOLODIPUEBLO@GMAIL.COM

**MARISOL MESTER
 DUNA CUENTA
 DI SU PROPIO
 SCREENING
 ENBES DI COBA
 DEN DI OTRO**

**PROME
 MINISTER
 A TUMA E
 ENCARGO DI
 PRESIDENTE
 DI OCTA NA
 BRUSELAS**



**APESAR CU EMBASSY
 HOTEL TIN PERMISO; GREG
 PETERSON A PIDI POLIS PA
 KITA E PALAPANAN**



**MANCHA DI AZETA A YEGA
 BONAIRE FOR DI TRINIDAD**



**COMERCIANTE Y
 COMENTARISTA DEPORTIVO
 EDDY DAOU A BAY SOSEGA**



Diaranson a drenta e triste noticia cu e conocido comerciante y narador deportivo Sr. Eddy Daou a bay sosega. Eddy ta doño di Dowco pa hopi aña y tambe un persona cu amor pa deporte.

Nos ta manda palabra di condolencia na su famia. Cu dios dune sosiego eterno. Masha danki pa tur semper cu bo a entretene nos como comentarista deportivo

MARISOL TROMP MESTER DUNA CUENTA DI SU PROPIO SCREENING ENBES DI COBA DEN DI OTRO

Desde siman pasa Marisol tahasiendo varios pregunta na Minister Tjon, riba screening di directornan di departamento.

Pero que hubo e mes duna cuenta riba su propio screening? Ta berdad cu el'a pasa den wowo di hangua?

*Marisol no a pasa screening pa bira minister te ora ela paga miles na belasting

E mes un señora aki kier husga ambtenaar cu ta eherce nan trabou como director of hoofd van dienst den e Ministerio di Husticia y Ministerio di Asuntonan Social si nan ta integro den nan funcion.

Sinembargo Marisol Tromp mester puntra su mes si e mes ta integro.

Aparentemente e señora aki ta lubida cu e no tabata por a bira minister paso e tabata debe Pais Aruba hopi placa di belasting debi cu e ta asina sinberguensa di nunca a declara ni paga belasting di su apartamentonan (air bnb?) cu e ta huur y gana placa. Ta pa e motibo aki e no por a bira minister na 2019 unda ta e propio Otmar Oduber a yude regla su papelnan pa despues e propio Marisol Tromp bira cuhiya Otmar Oduber den su lomba.

Tur cos ta muestra cu e mester a paga e belasting

no obstante cu e'la bay haci drama y teatro manera e ta conoci di dje den Belasting kantoor pa e keda sin paga Belasting, pero DIOS tabatin tin e pais aki protegi y e señora aki su maldad pa cu e pueblo di Aruba no a logra y e mester a paga.

Comunidad di Aruba ta puntra su mes si un persona cu a gaña ministerio publico un cantidad di biaha y burla di tur e ehecutivonan serio den nan trabao y burla di e sistema di husticia na Aruba no un pero varios biaha, ainda ta cana los? Esaki sigur ta muestra cu nos sistema hudicial tin un problema cu sigur mester atende cu ne y siendo



Marisol Tromp a gaña y ocasion y ainda ta cana los. burla di husticia na varios



- Oxtai/ rabo di baca
 - Galiña stoba
 - Porkchop
 - Chicken breast
 - Balchi pisca
 - Chicken noodle soup
 - MINIBOX
 - balchi pisca
- 565-3232

APESAR CU EMBASSY HOTEL TIN PERMISO; GREG PETERSON A PIDI POLIS PA KITA E PALAPANAN

Despues di un lucha grandi Embassy Hotel a logra haya un pida beach oficialmente y a pone poco palapa riba e zona cu el'a haya asigna dor di Gobierno. El'a haya precario di esaki, pues cu e por laga su turistanan usa e pida beach.

E hecho aki a cay den mal tera cerca Greg Peterson, kende acudi na sitio pa asina trece reclamo riba e palapanan y tabata kier a kita e palapanan.

Greg a bay zundra y saca potret y hasta yama polis pa e hecho aki como tambe a post esaki riba Facebook,



expresando su desgusto. SOLO DI PUEBLO a compronde cu Embassy ta trahando dentro di e precario cu el'a haya di Gobierno y pues ni Greg ni polis por a hasi nada. Greg a dicidi di bay for di sitio.

Embassy Hotel cu ta un proyecto misionario, porfin a haya su pida beach como un solucion temporal. Originalmente nan tabata kier a haya un otro pida beach den cercania.

Minister Dangui Oduber

17 MIEMBRO DI PARLAMENTO A APROBA PRESUPUESTO TPEF 2024

–Diamars mainta a tuma lugar e reunion di presupuesto di Tourism Product Enhancement Fund (TPEF) 2024 den parlamento.

Minister di Turismo sr. Dangui Oduber a presenta e presupuesto y unda lo aloca e fondonan pa proyectonan di 2024. E portfolio den cual TPEF ta inverti den proyectonan di 2024 ta consisti di 6 categoria. Esakinan ta: Atraccion, Seguridad, Medio Ambiente, Herencia, Conscientisacion y Inversion.

Parlamento a aproba e presupuesto di 2024 cu

ta 3.8 miyon florin cu pais Aruba ta ricibi for di e “Room Tax”, esaki lo wordo reparti den e 6 categorianan menciona. TPEF ta un fondo cu a wordo traha cu e proposito pa inverti den proyectonan cu ta contribui na e mehoracion di e producto turistico di Aruba.

Minister Oduber a menciona cu den aña 2024 un di e proyecto nan pa cu medio ambiente, ta e financiamiento di e estudio cu mester wordo haci pa e proyecto di Bubali Wetlands, esaki ta un proyecto cu ta en conhuntro cu Ministerio di Medio Ambiente y Fundacion Parke Nacional Arikok

(FPNA).

Un otro proyecto cu Minister Oduber lo honra tambe ta e proyecto di World War II Memorial. Ta trata di un monumento cu lo enfoca riba e papel crucial cu Aruba a hunga den WWII pa supply fuel na avionnan mericano cu tabata sostiene e forsan aliado contra e Alemannan. Tambe lo recorda con Aruba a wordo bombardea pa e Alemannan. E proyecto ta pa brinda un “walking tour” na e bishitantenan y esaki lo significa un fluho di bishitante grandi y constante den centro di San Nicolas.

• Ministerio di Turismo y Salud Publico •



Minister ta gradici e miembronan di Parlamento cu a aproba e ley di presupuesto TPEF 2024. Den parlamento, 17 miembro a sostiene e ley aki. Un danki na Fraccion MEP den Parlamento, fraccion Raiz, fraccionan di oposicion AVP, MAS y miembro independiente Gerlien Croes pa sostiene e presupuesto. E sosten aki

ta muestra cu apesar di diferencianan di opinion y ideologia politico toch fraccionan por haya otro pa trata biniestar general.

Minister Dangui Oduber tin e pleno confiansa cu e fondo di TPEF lo sirbi pa engrandecede nos producto Aruba y ta sumamente satisfecho cu e logro importante aki.

GOBIERNO DI ARUBA A INICIA E PROCESO OFICIAL PA TRANSFORMA EX-EDIFICIO DI OM DEN ORANJESTAD PA APARTAMENTO PA STUDIANTE

Ayera, 28 di februari, Gobierno di Aruba, oficialmente a inicia e proceso pa transforma e ex-edificio di Ministerio Publico (OM) den Oranjestad den un compleho di apartamento pa estudiante, como parti di diferente iniciativanan di Gobierno di Aruba pa revitalisa e centro di Oranjestad.

Parti di e vision di Minister Geoffrey Wever ta pa mas hende cuminsa biba den centro di Oranjestad y pa edificionan bandona wordo renoba, especialmente cu

destino pa estudiante.

Hunto cu Minister-President, Sra. Evelyn Wever-Croes, encarga tambe cu DIP, cu ta maneha e propiedadnan di Pais Aruba, a drenta den combersacionnan cu FCCA, cu a muestra interes pa adkeri e propiedad aki y comberti esaki den un "studentenflat" - compleho di apartamento pa estudiante.

Pa cumpli cu reglanan estipula pa jurisprudencia cu ta conta pa Gobierno di Aruba, mester duna otro

interesadonan tambe un oportunidad pa obhecion contra e decision aki prome cu por drenta den un acuerdo definitivo cu FCCA y pa e motibo ey un publicacion di e intencion di Minister-Presidente y Minister di Economia a tuma lugar 27 di februari ultimo.

E iniciativa aki ta forma parti di un esfuerso mas amplioparrevitalisae centro di Oranjestad. Gobierno di Aruba ta comprometi pa revitalisa e curason di e capital, y transforma espacionan bandona



den oportunidadnan pa desaroyo economico. Si studentenan biba den centro di Oranjestad, nan lo por cana bai Universidad di Aruba y lo trece ful un dinamica nobo pa centro di Oranjestad.

E colaboracion entre

gobierno y sector priva ta destaca como un ehempel di con planificacion urbano y desaroyo sostenibel por traha huntu pa beneficio di e comunidad, y ta fundamental pa e exito di e proyecto aki, combinando recursonan y experiencia pa alcanza un meta comun.

MINISTER ENDY CROES TA DESEA GUISENNE PIETERS Y KAYLENE MAKAAI HOPI EXITO CU NAN PASANTIA NA IBEROSTAR NA JAMAICA

Dos estudiante di e sector di economia a biaha pa eherce nan pasantia di tres luna den exterior.



Diamars mainta, Minister di Enseñansa y Deporte Endy Croes hunto directora di EPI Sra. Ankie Danker, Sr. Andres Geerman, kende ta forma parti di e directiva di EPI, Sra. Elizabeth Leest docente di economia, Sra. Rachelle Goedgedrag, kende ta PR di Colegio EPI, representantenan di Iberostar y famia tabata presente na Aeropuerto Internacional Reina Beatrix pa despedi di dos (2) estudiante di Colegio EPI cu ta bay eherce nan pasantia den exterior.

Tambe presente na e ocasion aki tabata Sra. Dominique Meyer, “executive assistant” di e manager di Iberostar, kende a expresa cu nan ta hopi entusiasma y orguyoso cu Iberostar Group ta brinda otro dos (2) estudiante di Colegio EPI e oportunidad pa eherce nan pasantia na Jamaica. Actualmente, Iberostar tin tres hotel na Jamaica. Iberostar ta sumamente entusiasma pa brinda e oportunidad aki na studiantenan pa nan sigui crece y ricibi experiencia den exterior

pa asina nan regresa cu experiencia y conocimiento nobo cu ta beneficia nos sector di turismo na Aruba y e proyecto di Iberostar na Eagle Beach cu lo habri e aña aki.

Directora di Colega EPI Sra. Danker ta hopi contento y agradici cu un bes mas Iberostar ta haci e proyecto aki posibel. Tambe, Sra. Danker ta gradici Minister Endy Croes y Gobierno di Aruba cu semper ta brinda sosten na e proyectonan di Colegio EPI. Ademá di esaki, Sra. Danker ta gradici e decano di EPI, esta Rachel, Eddelyn y Andres cu ta e motornan tras di e proyectonan aki hunto cu sector comercial pa brinda oportunidad na e studiantenan. Por ultimo, Sra. Danker ta desea e studiantenan hopi exito den nan pasantia.



Kaylene Makaai a expresa cu e ta hopi contento cu e oportunidad aki pa eherce su pasantia den exterior. Kaylene ta preparando pa bay Jamaica pa asina e por finalisa su pasantia den e departamento di “event planning” di Iberostar. Guisenne Pieters lo eherce su pasantia den “costumer service” y ta desea di siña mas di e trabou aki. Esaki sigur ta un oportunidad cu lo habri mas porta den futuro. Sra. Elizabeth Leest, kende ta docente di economia na Colegio EPI lo biaha cu e alumnonan pa Jamaica.

Pa finalisa, Minister Endy Croes ta gradici Gobierno di Aruba, Colegio EPI y Iberostar cu a traha den colaboracion pa realisa e bunita proyecto aki. E ta un proyecto cu nos a gusta y ta duna nos sosten pa brinda mas oportunidad na nos studiantenan local”. Minister Endy Croes a enfatisa. Den nomber di Gobierno di Aruba, mandatario di Enseñansa ta desea e studiantenan hopi exito durante nan pasantia di tres (3) luna na Iberostar, Jamaica.

HOBENNAN A INTOXICA NAN MES CONSUMIENDO ALCOHOL EXCESIVAMENTE

Dialuna anochi a drenta informe di cu lo tin un hoben cu lo a bira malo na e strand banda di Moomba, mesora a dirigi tanto polis como ambulans na e sitio.

Na yegada di e patruya a bin compronde cu algun hoben menor di edad a bebe bastante alcohol y un di nan a bira malo.

Na yegada di e ambulans a cuminsa atende e hoben di apenas 15 aña y a compronde cu e lo a intoxica su mes cu consumo excesivo di alcohol entre nan Vodka. Mientras cu ta atendiendo e hoben un otro hoben menor di edad tambe lo a bira malo na e sitio. Polis a cuminsa mesora cu un investigacion.



MANCHA DI AZETA A YEGA BONAIRE FOR DI TRINIDAD

Bonaire a informa cu azeta a yega nan costa, na Sorobon, Lac y Lagun. Por observa manchanan di azeta / petroli cu a yega na varios beach y susha esakinan. Esaki ta procedente di e tanker cu a recientemente a bolter na Trinidad.

Gobierno di Bonaire hunto cu organisacionnan local a traha un plan pa asina cuminsa haci limpieza mientras lo mester sigui monitor e desaroyo.

Na Curacao y na Aruba no ta conoci ainda cu e mancha aki a yega.

E posibilidad ta grandi cu e stroom di lama por hibe mas serca di Costa di Venezuela, pasando pabao di Aruba.



Jessy Beukenboom di IBiSA: EXPECTATIVANAN TA HALTO PA WEGANAN INTERINSULAR 2024



: Dialuna atardi durante conferencia di prensa, Sr. Jessy Beukenboom di IBiSA a expresa cu un bes mas nan tin e honor pa organisa Weganan Interinsular. Na aña 2023 Weganan Interinsular a reinicia cu seis (6) disciplina. E aña aki e competencia a aumenta di 6 pa 9 disciplina. E aña aki Aruba tin e oportunidad

pa habri Weganan Interinsular 2024. E delegacionnan ta yegando Aruba dia 29 di februari pa aclimatisa y prepara pa e competencia. E apertura ta tuma luga diabierna awo dia 1 di maart na Compleho Deportivo Frans Figaroa na Noord. Despues di e apertura lo tin reunionnan tecnico y lo start di biaha cu e competencianan.

Lo evalua pa den futuro, cual disciplina nobo por forma parti di e competencia. Sr. Beukenboom a indica cu lamentablemente no por sigui amplia mas, pa motibo di presupuesto, capacidad aereo y capacidad di lohamento. E aña aki mester a parti e delegacionnan den dos (2) diferente hotel, cual no ta normal paso semper nan a keda hunto den un luga.



Tambe, Sr. Beukenboom a indica cu ekipo di IBiSA a prepara un programa completo desde yegada di e delegacionnan te ora cu nan regresa bek nan pais. Aruba, Boneiro y Curaçao ta participando den e deporte di trefbal di mucha muhe, dam y ahedres. Ademá di esaki, Sr. Beukenboom a muestra

e t-shirt cu tur hoben lo ricibi y e medayanan cu lo otorga na e ganadonan. Pa finalisa, Sr. Beukenboom ta invita Pueblo di Aruba pa acudi na e weganan pa apoya nos muchanan y pa tene cuenta cu e reglanan.

Pa cierto deporte manera dam y ahedres, no ta permiti publico. E

mayornan por atende, pero mester keda un distancia paso den e deportenan ey no mag di tin sonido y/of hende no mag di papia. E hobennan mester tin tranquilidad y pa por practica nan deporte manera mester ta. Na e ceremonia di apertura y na e wega di trefbal si ta permiti publico.

Prome Minister Evelyn Wever-Croes: **PARLAMENTO DI ARUBA A APROBA PROYECTO MONUMENTO DI DOS GUERA MUNDIAL NA SEROE COLORADO**

Mas bon noticia pa San Nicolas y Aruba

- Diahuebs 27 di februari, Parlamento a trata e Presupuesto di Tourism Product Enhancement Fund, TPEF 2024. Den e presupuesto aki tin 350 mil florin pa e proyecto di World War II Memorial. Ta trata di un monumento y entorno di Segunda Guerra Mundial cu lo angra e patrimonio di Aruba y lo bira un atraccion hopi interesante pa crea un experiencia distinto tanto pa nos hendenan local y bishitantenan. E monumento lo ta situa na Seroe Colorado na San Nicolas.

World War II Memorial ta un tremendo proyecto cu ta wordo ehecuta pa e Comision di Aruba Amenities cu Prome Minister Evelyn Wever-Croes a institui. Esaki ta un comision cu ta traha riba con por upgrade/mehora e patrimonio di Aruba y crea un experiencia pa nos hendenan local y bishitantenan. Como parti di con pa crea e 'orange economy' / economia creativo rond di e patrimonio. E proyecto ta wordo haci den colaboracion di DOW, ATA y señor Dufi Kock.

Cu e monumento World War II Memorial lo enfoca riba e papel crucial cu Aruba a hunga den Segundo Guerra Mundial pa suministra combustibel na avionnan Mericano cu tawata sostene e forsan aliado contra e alemanan. Aruba a wordo bombardea pa e alemanan y nos pueblo a pasa momentonan di hopi tension, y hopi hende a perde nan bida. Prome Minister a duna di conoce

cu ya a dialoga cu tour operators y nan ta hopi interesa pa participa. Fase 2 di e proyecto ta pa brinda un recorrido na e bishitantenan y despues di basha parti di e muraya di refineria abou, e bishitante por mira e loke a resta di e refineria cu a produci e fuel contribuyendo na victoria di forsan aliado y fin di Segundo Guerra Mundial.

Esaki, Prome Minister a remarca, lo significa tambe un fluho di bishitante grandi y constante den centro di San Nicolas. Esaki ta e vision di Gabinete Wever-Croes, cu despues di hopi tempo ta delibera riba con por crea un fluho grandi di hende den centro di San Nicolas, porfin por bisa cu a logra esaki.

Diamars atardi, Parlamento di Aruba a aproba proyecto monumento di dos guerra mundial na Seroe Colorado.

Esaki ta mas bon noticia pa San Nicolas y Aruba. Mi ta gradici Comision di Aruba Amenities, DOW y ATA pa nan esfuerso. Mi ta gradici Minister Dangui Oduber pa

aloca fondonan den TPEF (Tourism Product Enhancement Fund) pa e proyecto aki.

Y mi ta gradici Parlamentario Hendrik Tevreden cu a enfoca riba esaki durante reunionnan den parlamento y mi ta gradici tambe San Nicolas Business Association cu ta colabora cu Gobierno riba e proyecto aki. Cu e esfuersonan comun aki, un bunita proyecto lo keda realiza pa San Nicolas.



Prome Minister Evelyn Wever-Croes: Durante e Ministerial Conference OCTA 2024 na Bruselas **PROME MINISTER A TUMA E ENCARGO DI PRESIDENTE DI OCTA**



“Mi lo percuro pa comunicacion cu Union Europeo ta mas habri y pa tur e 13 paisnan miembro di OCTA ta mas fuerte y

resiliente”

ORANJESTAD

Diaranson mainta, durante e conferencia ministerial di OCTA, na Bruselas,

Prome Minister Evelyn Wever-Croes a tuma over e presidencia di OCTA di Minister di Relacion Exterior di Groenland Vivian Motzfeldt.

OCTA ta un asociacion di 13 pais y teritorio na ultramar di Union Europeo: Aruba, Bonaire, Corsou, Saba, Sint Eustatius, Sint Maarten, French Polynesia, New Caledonia, Sint Barths, Saint Pierre et Miquelon, TAAF en Wallis and Futuna, y Groenland.

Prome Minister a indica cu e decision aki sigur ta un reto nobo, cu hunto cu Minister Plenipotenciario y representante di Aruba na Union Europeo, señor Ady Thijsen, lo sa di ehecuta den bienestar di Aruba y tur miembro di OCTA. Como presidente di OCTA, Prome Minister lo traha na facilita e proceso

pa Aruba y tur e otro paisnan cu ta miembro, por yega na fondo for di Union Europeo.

Den pasado, Aruba ya a haya sosten financiero di Union Europeo pa ehecuion di varios proyecto. Algun di e proyectonan aki ta, expansion di aeropuerto na 1996, camindanan nobo y un "visitor center" na Parke Nacional Arikok, Bloedbank, y e facultad nobo na Universidad di Aruba SISSTEM.

Pa loke ta e proyectonan di digitalisacion, tambe Aruba lo ricibi sosten financiero di Union Europeo, cu lo wordo firma diahuebs 29 di februari door di Minister di Economia Geoffrey Wever, cu ta e minister autorisa pa firma

acuerdonan financiero. Pa e proyectonan aki, Aruba lo ricibi 14 miyon, cu lo haci e procesonan y servicionan di gobierno mas eficiente. Unabes cu e proyectonan di digitalisacion keda cla, comunidad di Aruba lo por haya tur informacion, y haci transaccionnan via e comonidad di nan cas of trabou.

"E meta di Gabinete Wever-Croes ta pa sigui traha den bienestar di pueblo y pa logra pa e bienestar aki yega den cada hogar. Mi ta comprometi pa haci tur loke ta na mi alcance pa Aruba como isla chikito, ta para mas fuerte y resiliente. Mi tin tur confiansa cu como presidente di OCTA, mi lo logra cosnan grandi na bienestar y progreso di pais Aruba", Prome Minister a expresa.

Prome Minister Evelyn Wever-Croes: GOBIERNO DI ARUBA TABATA PRESENTE NA E 'MINISTERIAL CONFERENCE OCTA 2024'

"E tabata un mainta cu hopi debate pero sumamente positivo"

Diaranson mainta, Prome Minister Evelyn Wever-Croes hunto cu Minister Geoffrey Wever, y Minister Plenipotenciario Ady Thijsen tabata presente na e conferencia ministerial, Ministerial Conference OCTA 2024 na Bruselas. Prome Minister a expresa cu e mainta aki tabata uno cu hopi debate pero sumamente positivo na unda a firma declaracionnan den cual ta aproba e maneho financiero hiba den 2023, e presupuesto pa 2024, y e strategia pa busca mas fondo pa e 13 paisnan cu ta miembro di OCTA. Tambe a eligi Minister

Plenipotenciario señor Ady Thijsen como presidente nobo pa e comision ehecutivo di OCTA, di cual Corsou, Groenland y French Polynesia tambe ta parti.

Importante pa menciona ta e hecho cu e mainta aki tambe, Prome Minister Evelyn Wever-Croes a acepta pa tuma e cargo importante como Presidente di OCTA. Esaki no solamente ta un funcion sumamente importante, sino tambe beneficioso pa pais Aruba. Cu e encargo nobo aki, Prome Minister lo tin e posibilidad di ehecuta su vision y traha




mas duro pa haci e proceso pa adkiri fondo di Union Europeo pa pais Aruba y e otro paisnan, mas facil. Cu mas fondo Aruba sigur por ehecuta mas proyecto na bienestar di comunidad.

"Mi ta sumamente satisfecho cu e resultado

di e mainta aki, y kier anuncia cu pa 2025, e conferencia ministerial aki lo tuma luga na Aruba. Pa cu esaki lo invita tur e 13 paisnan, pa bin Aruba pa asisti na e conferencia aki. Pa e siguiente aña nos dilanti, como presidente di OCTA mi lo percura pa

comunicacion cu Union Europeo ta mas habri y pa nan realisa cu e 13 paisnan aki, pa nan ta mas fuerte y resiliente despues di pandemia, lo mester di mas fondo di EU. Mi tin tur confiansa cu mi lo logra esaki", Prome Minister a expresa.

ARUBIANO BJORN HART TA DEN SELECCION NACIONAL DI HULANDA Amsterdam, Oranjestad.



E Arubiano Bjorn Hart ta forma parti un biaha mas di seleccion Hulandes di zaalvoetbal cu ta consisti di un delegacion di 25 hungado hunto cu staff, cu ta bai participa den Deaflympics cu lo tuma lugar na estado Erzurum na Turkia. E torneo ta

tuma lugar entrante 28 februari te cu 13 maart. E prome encuentro di seleccion Hulandes ta dia 2 maart contra Iran.

Estado Erzurum ta keda 1300 kilometer Oriente di Istanbul, y ta riba 1850 meter halto cu un temperatura di 5 grado.

E paisnan cu ta partiipata: Poule A, Turkia, Iran, Italia, Hulanda, Poule B, Japon, Brazil, Checo, Kenia, Poule C, Spaña, Kuwait, Algeria, Thailand. Bjorn tin mas cu 20 aña hungando voetbal activo na Hulanda y cu su diciplina un biaha ta forma partidi



seleccion di Hulanda.

Nos ta desea Bjorn Hart hopi exito cu e torneo den seleccion Hulandes.

Por bai riba website pa mas informacion. <https://winterdeaflympics2023.com/>



Prome Minister Evelyn Wever-Croes: ENTREGA DI PROME BIJBEL NA PAPIAMENTO, DEN ORTOGRAFÍA OFICIAL DI ARUBA

Bijbel ta un fuente di inspiracion y awor nos tin'e den nos dushi idioma



Siman pasa e prome bijbel den ortografía oficial di na nos idioma Papiamento, Aruba, a wordo presenta

na Prome Minister Evelyn Wever-Croes. Na momento di ricibi e bijbel e mandatario a expresa di ta sinti un orguyo grandi cu awor tin e bijbel den nos dushi idioma di Papiamento expresando cu “awor Dios ta papia na Papiamento tambe”.

Tin un bijbel caba na Papiamentu di Corsou pero esaki ta e prome bijbel cu ortografía oficial na Papiamento di Aruba. E

logro aki ta danki na hopi aña di trabou di Sociedad di Bijbel, traductor nan y varios otro persona di Aruba, Corsou, Hulanda y Argentina.

Prome Minister a menciona cu semper tin un separacion di estado y iglesia pero cada gobernante ta un hende y cada gobernante tin cu tuma decisionnan y den cada hende tin Dios. No por tuma decisionnan sin

Dios y p'ese y e bijbel ta asina importante. “Den bijbel bo ta haya solucion pa problema, bo ta haya guia y inspiracion y esaki mi por bisa di propio experiencia. Un momento grandi y como Prome Minister di Aruba mi ta sumamente agradecido na tur esnan cu a haci esaki posibel cu awor Aruba tin su bijbel na Papiamento tambe”, Prome Minister a expresa.

KIEBRO Y LADRONICIA NA “THE RUNWAY” NA SERO BLANCO

Diamars madruga a drenta informe di kiebros y ladronia na “The Runway” na Sero Blanco, mesora a dirigi un patruya na e sitio.

Na yegada di e patruya a bin compronde cu aki ta trata di un caso di kiebros y ladronia unda e ladronnan a kibra e porta y bay cu varios mercancía.

Polis a tuma datos y a pasa esaki pa recherche.



OTMAR ODUBER ORGUYOSO DI MIRA SU VISION PA SAN NICOLAS REALISA SECRETS



Aruba lo habri fin di e aña aki Otmar Oduber di Plataforma Nos Pais, papiando riba turismo, el a expresa cu e ta contento cu e informacion presenta pa gobierno, cu e plan ta pa e hotel Secrets Aruba na San Nicolas habri su portanan cu e prome 300 cambenan pa fin di e aña aki. Esaki ta un proyecto cu pa Otmar personalmente ta yene cu hopi orguyo y felicidad, ya cu el a traha pa hopi aña riba dje y cu a inicia ora e como minister a papia cu Bahia Principe e tempo aya.

Diferente gobierno for di nos Status Aparte a purba traha un hoteleynan, varios bloki a wordo poni, pero lamentablemente esaki no a wordo concretisa. Na 2018 a cuminsa conversacionnan cu e grupo di Martinon, cual ta esun cu ta desaroyando e proyecto na San Nicolas y na 2019 prome Otmar a retira for di politica, e tabatin e honor di haci e apertura y percura pa e grupo aki establece sumes na Aruba. Ta trata di un grupo serio y cu varios miembro di prensa por a bishita hunto cu Otmar

nan instalacionnan na Republica Dominicana. E grupo a muestra e seriedad y compromiso cu Aruba, cu a pesar cu ora nan tabata cla pa cuminsa na final di 2019, a bin e periodo di Covid cu a conduci cu e proyecto a trance pa mas cu un aña y mey, cu tur su consecucionnan, incluyendo un aumento di 30 pa 40% di e gastonan di construccion y casonan den corte. “Mi ta contento cu e hendenan a keda cu e confiansa den Pais Aruba.

A regla tur permiso y a cumpli cu tur rekisito,




incluyendo un screening di Banco Central y VDA, y awe nos ta papia di un apertura di un proyecto pa San Nicolas cu ta bay bira un ‘gamechanger’ pa e pueblo di San Nicolas y pa Aruba en general pa loke ta trata su economia”, Otmar Oduber a declara. Agregando na esaki el a bisa cu e tempo aya a haci varios estudio di parti di Price Waterhouse Coopers y Aruba Investment Bank riba kico e ‘spin-off effect’ ta bay ta economia di San Nicolas y Pais Aruba y ningun hende por imagina e efectonan cu esaki lo trece.

E lo trece beneficio no

solamente pa esnan cu lo bay traha eynan, pero tambe lo crea mas comercio na San Nicolas, lo por bin cu car rentals, souvenir shops, mas restaurantnan, tour operators, water sports, etc. “Esey tabata e empue cu tabata incentiva mi persona pa a lucha durante tur e añanan ey pa por a logra e meta aki y pami sigur ta un orguyo di scucha for di gobierno cu e proyecto aki finalmente ta bay habri pa fin di e aña aki of cuminsamento di e prome semester di 2025. Mi ta felicita pueblo di San Nicolas, gobierno y pueblo di Aruba pa e prome hotel di e caliber aki cu ta bin na San Nicolas”.

ACCIDENTE DI CADENA ENTRE 3 AUTO ENVOLVI Y UN PERSONA HERIDA PANORT DI ROTONDE TANKI FLIP



Diadomingo anochi a drenta informe di un accidente cu hende herida panort di rotonde Tanki Flip, mesora a dirigi tanto polis como ambulans na e sitio. Na yegada di e patruya a bin compronde cu aki ta trata di un accidente entre 3 auto unda un Hyundai Accent no a ripara cu e auto su dilanti a para y ela bay dal



tras di un auto Kia y esaki consecutivamente a bay dal tras di e Honda HRV su dilanti. Debi a na fuerte impacto dobel e chauffeur

den e Kia a resulta herida. Na yegada di e ambulans nan a atende e victima levemente herida na e sitio mes.

Minister Glenbert Croes:

GOBIERNO DI ARUBA TA FELICITA E DIGNO PUEBLO DI REPUBLICA DOMINICANA CU NAN DI 180 ANIVERSARIO DI INDEPENDENCIA

"A traves di integracion nos a logra uni e dos paisnan aki cu lasonan fuerte y pa semper"



Diamars mainta, Minister di Integracion Glenbert Croes tabata presente na Plaza Juan Pablo Duarte, hunto cu e digno pueblo di Republica Dominicana, residencia na Aruba, pa celebra nan di 180 aniversario di independencia.

Durante e ceremonia, Minister Croes tabatin e honor di duna un discurso, na unda el a enfoca riba e

importancia di e lucha pa libertad di un pais, y cu e lucha pa libertad cu Juan Pablo Duarte a hiba pa Republica Dominicana, y a logra riba 27 di februari 1844, tabata un inspiracion pa Aruba, durante su propio lucha pa nos libertad.

Durante su discurso e mandatario e expresa: "La Libertad se respeta.

La libertad se honra y la libertad se defiende." Y Minister Croes a recorda señor Jose Francisco Peña Gomez cu tabata un politico di Republica Dominicana, cu semper a sostene y cana man den man cu nos libertador Betico Croes durante su lucha pa libertad di Aruba. E mandatario a continua bisando cu Republica Dominicana ta un isla grandi y Aruba un isla chikito pero cu e tamaño di nos territorio no ta determina nos derecho como pueblo. E derecho di un pueblo ta su deseo pa ta liber, ta determina esaki. Na e pueblo Dominicano cu ta residencia na Aruba, Minister Croes a dirigi palabranan di gratitud pa nan gran aporte den e desaroyo y progreso di e pais. Tambe el a expresa



cu cada un di nan mester ta orguyoso di ta parti di un pais manera Republica Dominicana, aunke cu awor como residente di pais Aruba, nan ta celebra nos dianan nacional cu nos manera un gran Arubiano. "Den nomber di Gobierno di Aruba, mi ta felicita e pueblo di Republica Dominicana cu nan di 180 aniversario. A traves

di integracion nos a logra uni e dos paisnan aki cu lasonan fuerte y pa semper.

Aruba ta orguyoso di e hermandad entre nos Pueblonan: Aruba y Republica Dominicana Paisnan Ruman pa Semper. Masha pabien na cada un di boso" Minister Croes a expresa.

Minister Endy Croes:

A TRATA DIFERENTE PUNTO IMPORTANTE DURANTE E REUNION CU DEPARTAMENTO DI ENSEÑANSA ARUBA

Recientemente, Minister di Enseñansa y Deporte Endy Croes a reuni cu directora di Departamento di Enseñansa Aruba Sra. Anne-Marie Proveyer y directora suplente Sra. Sheila Maduro, unda a trata diferente punto importante relaciona cu enseñansa di Aruba. Un di e topiconan cu a dialoga di dje ta Plataforma di Enseñansa y Labor (PEL).

Minister Endy Croes a haya informacion di e avancen di e proyecto aki cu tambe ta forma parti di un di e recomendacionnan di e Doorlichting van het Arubaanse Onderwijsbestel. Otro tema cu a trata durante e reunion ta e introduccion di metodo di lesa pa Speciaal Onderwijs cu e Scol Dununman mes a desaroya.

Departamento di Enseñansa tin cu aproba esaki y asina percursa pa e scol haya e fondonan necesario pa inverti den e metodonan di lesa. Fuera di esaki, a dialoga brevemente tocante Samengezond opleiding di doktersassistent y apothekersassistent. Finalmente, a elabora den liñanan grandi



riba tur recomendacion di Doorlichting van het Arubaanse

Onderwijsbestel cu ta hayando atencion.

Parlamentario Marco Berlis (MEP): LEY DI PLAN DI MAYOR TA UN LOGRO MAS NA BIENESTAR DI NOS MUCHANAN



Di e forma aki por mira con Gabinete Wever-Croes hunto cu coalicion den parlamento ta keda traha na bienestar di nos muchanan y ta pone nan siguridad y desaroyo central. Nos no por lubida e logronan cu parlamento tawata tin pa cu e meta aki:

1. A Cambia e Ley pa subi e castigo maximo pa esnan cu ta abusa di mucha. Na juni 2020 a pasa e ley den parlamento, pa subi e castigo maximo pa abusadornan sexual di mucha. Treciendo e cambio riba e ley aki, ta duna OM e autoridad pa por exige mas castigo y ta brinda e Hues espacio pa condena esnan culpabel pa un castigo mas largo. A logra haci esaki den apenas 3 año di gobernacion di Gabinete Wever-Croes-I.

2. Family Justice Center. Esaki ta un Proyecto di Gobierno cual tin como meta pa atende cu casonan di abuso sexual di mucha. Un di e problemanan mas grandi pa por cera e abusadornan ta cu mester di e pruebanan di



e acto. FJC tin diferente profesionalnan manera un psicologo, un recherche, docter y rapekit disponibel pa acumula tur prueba necesario y trata e mucha afecta mesora. E instancia aki ta brinda e ayudo special aki na nos comunidad den casonan lamentabel aki.

3. Ley di Ombudsman y Kinderombudsman a keda aproba pa coalicion den Parlamento. Den januari 2023 e ley pa establece y busca e Ombudsman, na mei 2023 e profielschets di e ombudsman a keda finalisa y na September 2023 a habri e vacatura

oficial pa Ombudsman y KinderOmbudsman. Pueblo di Aruba por nota con cu hechos nos ta logra pa nos ciudadanonan haya nan defensor. E Defensor di Mucha lo tin tur recurso na su disposicion pa haci investigacionan profundo, cooperacion di tur departamento di gobierno, e lo tin e autoridad hasta pa investiga tur caminda y hasta den gobierno. Esaki ta un logro hopi grandi pa nos pais y sigur pa nos ciudadanonan. Di e forma aki nos muchanan lo tin nan propio defensor cu lo por atende casonan di un forma hopi riguroso y profundo. Agregando

e logro di Plan di Mayor na e lista nos por mira cu gobierno y Parlamento den coalicion ta keda pone nos muchanan y nan siguridad como prioridad. No laga niun hende desinformabo of gaña bo pa rasonan politico cu no ta asina.

Nos muchanan ta keda central y un prioridad pa cada un di nos y esey hamas lo cambia. Si pueblo desea mas informacion di e articulo aki, contact mi na tel: 528-4639 of email mi na: marco.berlis@parlamento.aw / Bo parlamentario y sirbidor di pueblo na bo ordo semper!

Diabierna 1 di maart Ley di Plan di Mayor ta drenta na vigor. Kico e ley aki ta? Esaki ta un ley cu ta enfoca riba e bienestar di e mucha ora cu mayornan ta den divorcio. Memey di discusion poco biaha ta para keto riba kico e yiunan ta desea unabes cu su mayornan no ta hunto mas. P'esey, e plan di mayor ta percura pa prome cu e mayornan divorcia oficialmente, tin un plan por escrito unda ta indica con mayornan ta bay comparti nan responsabilidad pa cu e yiu(nan).

AUTO A DAL PALO DI LUS DEN JOHN G. EMANSTRAAT Y A SIGI CORE BAY

Diadomingo anochi a drenta informe di un accidente na John G. Emanstraat, mesora a dirigi un patruya na e sitio. Na yegada di e patruya a bin compronde cu un auto a dal e palo di lus y a sigi core bay. Polis a haya datonan di e auto y a pasa esakinan pa departamento di trafico cu lo sigi cu e investigacion aki.



DIA DI HENDE MUHE CU INCLUSION INSPIRA ? NAAAAHHHH


Tin varios organisacion profeshonal social cu no ta inclui tur hende muhe Pa motibo di no tin diploma, pa motibo di no tin un puesto E tema di e anja aki, pero cu no ta full e berdad No tin igualdad den e ser humano, si no ta ensera un entrada grandi Cu por conta pa penshonadonan manera ami Competencia ya ta ancra den higra di anjanan

pasando Pero Danki Dios tin hopi hende muhe manera Mama Teresa Cu a laga su inclusion inspira den a yuda y resa Pa esnan sin distincion di status, estudio of profeshon Pa esnan sin nada, esnan cu malesa pero cu un bunita curason Nos a sinya hopi di e dushi hende muhe simpel humilde aki Sin tin nodi fingi pa wordo

accepta y of wordo inclui Nos ta contento, satisfecho, inspira y bendiciona manera nos ta Cada muhe ta na nan mesun manera inspira y prepara Manera e poema prosa aki di mi Mi invitacion pa bo sinti un rato cu mi Tin hopi den amor propio cu nan mes nan ta accepta Tin atleta, tin baylarin, maestra, artista, cantante ,poeta, dokter of ama di cas

Tin muhe gordo, flaco, preto, blanco, di otro cultura of di otro religion Luchando pa mantene nan mesun balans den nan paz y comportacion Siendo e luz y curason den nan hogar yen di ups and downs den nan bendicion Muher fuerte, cantando diariamente nan lucha den nan mesun cancion E palabranan inclusion y inspira ? Naaaaaaahhhhh Ta simplemente pensamentonan bunita agrega Un sonjo den un fantasia blokea y spierta inespera Hopi muhe ta wordo limita den hopi cos ketobay Cu preguntanan y of dudanan cu por bin y bay Hopi di nan ta esnan inspira di berdad cu humildad y honestidad Pero asina bida su storianan ta sigui gatea, cococha y cana Y no ta tur hende muhe a bin pa ganja ni gana Nos a bin pa stima otro manera nos ta stima nos mes Y nos lo sigui celebra e Dia Internacional di Hende

Muhe Nos talentonan y donnan no ta algo cu tur tin'e A yega di scucha un hende muhe ehecutivo expresa Cu e no por ta amiga cu un muhe cu no ta bisti bon Pica, cu ta huzga e cartera y aparicion y no e bon alma y bon curason. Di curason un felis Dia di Hende Muhe na tur Muhe di berdad. Lady Ruth 8 Maart 2024



PRONOSTICO DI TEMPO VALIDO TE DIAHUEBS 29 DI FEBRUARI 2024, 18:00 ORA
 TEMPO:
 AWE TARDI Y AWE NOCHI: PARCIALMENTE NUBLA Y GENERALMENTE SECO
 DEN MARDUGA Y MAYAN: PARCIAMENTE NUBLA CU UN AWACERO BREVE
 TEMPERATURA MAXIMO 32 GRADO CELSIUS
 TEMPERATURA MINIMO 26 GRADO CELSIUS
 INDICE DI CALOR (HEAT INDEX) DEN Y ROND DI ORANAN DI MERDIA: 33 PA 37 GRADO CELSIUS
 UV INDEX: 10
 BAHADA DI SOLO : 6:49 PM
 SUBIDA DI SOLO : 6:55 AM
 BIENTO:
 MODERA FOR DI DIRECCION GENERALMENTE OOST;
 FORSA 3 TE 4 (11 TE 30 KM/ORA, 7 TE 16 NUDO). DEN DIA BASTA FUERTE TE POSIBLEMENTE FUERTE DEN RAFAGA;
 FORSA 5 TE 6 (31 TE 50 KM/ORA, 17 TE 27 NUDO). SITUACION GENERAL DI TEMPO PA PROXIMO 24 ORA:
 POTENCIAL DI AWACERO PA PROXIMO 24 ORA: 1 MM OF MENOS; LOCALMENTE ESAKI POR TA DIFERENTE.
 REGISTRACION DI TEMPERATURA (GRADO CELSIUS) Y AWACERO (MM) DEN ULTIMO 24 ORA (8'AM PA 8'AM):
 AIRPORT : MAX 32 / MIN 26 / 0.0 MM
 WESTPUNT: MAX 32 / MIN 26 / 0.0 MM
 STA ROSA: MAX 32 / MIN 26 / 0.0 MM
 PRONOSTICO DI TEMPO PA PROXIMO 3 DIANAN: PARCIALMENTE NUBLA CU UN AWACERO PASAJERO.
 BIENTO LO TA FOR DI DIRECCION OOST Y MODERA TE BASTA FUERTE; POSIBLEMENTE FUERTE DEN RAFAGA.
 TEMPERATURA (GRADO CELSIUS) MAX / MIN LO TA: 32 / 26
 DEPARTAMENTO METEOROLOGICO ARUBA
 DIARANSON 28 DI FEBRUARI 2024 17:00 (21:00 UTC)



			3	2			6	9			
						3		4		7	
				5		1			6		9
3		1			6				3	2	
	9		8	3		2				9	6
			5		2	6		3			4
2					7						
9					5	4		8			
4	5		6			9			4	5	
6	7	9		2					6		
	3			5							8
1		5	3			7					

				2		3					
	6		1				7				
8				6	3						
		1					6				
7		5					9			2	
	8						7				
			2	8						7	
	5					6		9			
		9		3							

Servicio na Publico

DEPARTAMENTO DI IMPUESTO TA HACI CAMBIO TEMPORAL DI LOCALIDAD PA CU SERVICIO PUBLICO EN CONEXION CU TRABOUNAN DI MANTENCION NECESARIO

– Departamento di Impuesto ta haci un cambio temporal di localidad pa cu servicio publico. Esaki ta debi na trabounan di mantencion necesario na oficina principal na Camacuri. Mientrastanto Departamento di Impuesto kier sigura cu ta sigui brinda servicio na publico sin interrupcion. Siguiyente ta sigui un skema di e localidadnan cu lo keda activa durante e proximo siman.

Valido durante proximo siman (maart 4 – maart 8)

Localidad	Servicio	Orario
Oficina principal na Camacuri	---	Cera
Oficina anexo na Camacuri (Ta drenta na porta nr. 2)	- Servicio di caha pa persona 60+ (no comerciante) y pa e personanan cu ta haya onderstand - Busca of entrega plachi di number	7:45 - 11:30 1:15 - 3:30
Oficina anexo na Camacuri (Ta drenta na porta nr. 5)	Servicio na cliente: - Entrega documento - Busca documento - Busca carchi di persoonsnummer - Informacion tocante areglo di pago	7:45 - 11:30 1:15 - 3:30
E oficianan situa na: MFA Noord MFA Paradera MFA Santa Cruz MFA Savaneta Postkantoor San Nicolas	- Servicio di caha - Registra auto - Haci cambio riba vehiculo di motor	8:00 - 12:00 1:00 - 3:00
E oficianan situa na: MFA Paradera	Servicio na cliente: - Entrega documento - Busca documento - Busca carchi di persoonsnummer - Informacion tocante areglo di pago	8:00 - 12:00 1:00 - 3:00

E servicio na cliente via telefon 522 7424 ta continua durante e orario di custumber: 7:45 - 11:30 | 1:15 - 3:30. Departamento di Impuesto ta pidi su contribuyentenan pa tuma bon nota di e anuncio importante aki pa asina evita cualkier inconveniencia. Gerencia di Departamento di Impuesto 28 di februari 2024

AUTO A DAL MUCHA RIBA BICICLETA DESPUES DI SCHOOL PATRAS DI ELMAR HATO



Dialuna merdia a drenta informe di un accidente cu hende herida patras di ELMAR Hato, mesora a dirigi tanto polis como ambulans na e sitio. Na yegada di e patruya a bin compronde cu un dama chauffeurno a mira e ciclista cu tabata coriendo banda pabao di caminda y door di e muraya e no por mira mucha y a dal e y e a cay. E mucha tabata hopi spanta y tabata keha di dolor. Na yegada di e ambulans nan a atende e mucha y a trasporte pa hospital

ORACION DI DIA



UN FELIZ DIA Y CU DIOS DRAMA SU BENDICION NA ABUNDANCIA RIBA BOSO.

MI TA PONE MI BIDA CU SU PENA DEN BO MAN, SEÑOR. SALMO 31. RUMANNAN, DEN E TEMPO DI CUARESMA AKI, NOS TA YAMA PA ACERCA NOS MAS NA DIOS, MAS NA CRISTO HESUS. E TEMPO TA UNO PA MEDITA, SCRUDIÑA Y SACA TUR LOKE NO TA PERTENECE DEN MENTE, ALMA Y CURASON DI UN BON SIGUIDO DI CRISTO.

P'ESEY NOS TA YEGA DEN NOS SILENCIO Y TRANKILIDAD CERCA SEÑOR PA ENTREGA NOS BIDA Y TUR LOKE TA NOS CARGA. NOS SA CU CERCA NOS TATA, NO TIN RECHASO SINO REFUGIO. DIOS HAMAS LO RECHASA SU YIUNAN, AL CONTRARIO, SEMPER TA BRASA HABRI TA WARDA NOS. CERCA NOS TATA NOS NO TA KEDA BRONGOSA, CERCA SEÑOR TIN HUSTICIA. MASKE MUNDO HUSGA NOS, CERCA NOS TATA TIN AMPARO Y PORDON. P'ESEY AWE NOS TIN CU BAY DEN NOS DESIERTO Y TUMA E TEMPO NECESARIO PA REFLEXIONA RIBA NOS BIDA, NOS ECHONAN Y NOS CURASON PA ASINA POR TRAHA NA UN MIHO VERSION DI NOS MES. LAGA NOS PONE NOS BIDA Y NOS PENA DEN MAN DI SEÑOR. ORACION:TATA SANTO, AWE NOS TA ACERCA BO CU NOS CURASON HABRI. NOS TA PIDI BO SEÑOR PA YUDA NOS SCRUDIÑA NOS MENTE, ALMA Y CURASON. YUDA NOS PA SACA TUR LOKE NO TA DI BO SEÑOR FOR DI NOS PA ASINA NOS TA UN PERSONA RENOBA. DANKI TATA PA TUR LOKE BO A HACI Y TA BAY HACI DEN NOS, DEN NOMBER DI HESUS.
AMEN.

FORTALEZA PA FAMIA

Scirbi pa Pastor Marcel Balootje.

NO TIN CRECEMENTO SPIRITUAL, SI NO TIN CONFIANSA DEN DIOS

Santiago of Jacobo 1:16-17 ta bisa nos; No sea gaña, mi rumannan stima. Tur bon regalo y tur don perfecto ta for di ariba, y ta baha bini for di e Tata di lusnan, serca Kende no tin variacion, ni sombra di cambio. Esey ta nifica cu tur cos bon ta bini di Dios, Dios den su inmenso misericordia por purba nos , por disciplina nos, por coregi nos, pero nos tur sa sigur cu bendicion ta bini di Dios. E diabel no por bendiciona cu nada.

Pesey ta para scirbi den Jeremias 17:7-8 : Bendiciona ta e hende cu ta confia den Señor, y kende Su confiansa ta den Señor. Pasobra e lo ta manera un palo planta canto di awa, cu ta manda su raisnan bay na un corida di awa, y cu lo no tin miedo ora calor bini,ma su blachinan lo ta berde, y den aña di segura,e no ta preocupa, ni laga di duna fruta.

Tur cos ta cuminsa cu e confiansa cu nos mester tin den Señor pasobra solamenta asina ey nos lo ta manera un mata planta canto di awa, cu ta manda su raisnan bay na un corida di awa.

Ora nos ta haci oracion na Dios, nos ta manda nos peticion na cielo caminda nos Dios ta, y Dios ta manda bendicion na tera caminda nos ta. Mester tin un comunicacion constante cu

Dios, pa nos bendicion ta constante, falta di oracion, ta demostra falta di confiansa y comunicacion cu Dios.

Tur crecemento espiritual ta bini door di propio esfuerzo, propio dedicacion, y propio perserverancia, no ta cos cu hende por haci pabo, no ta cos cu bo por copia tampoco, crecemento espiritual no por wordo manda digital, e ta un preis cu tur hende cu kier crece den Señor mester paga personalmente.

Si un hende no dicide den su curason cu e kier crece, e no por rabia cu otronan cu si ta haci esfuerzo pa nan crece.

Dios ta usa hende simpel, esnan cu a wordo menosprecia, Dios ta halsa nan pasobra nan ta humilde y nan ta disponibel pa e trabao di Dios.

Pasobra Dios no a duna nos un spirito di temor,sino di poder,y di amor y di sano huicio.(2Timoteo 1:7).

Dios ta yama esun cu no ta, pa asina Dios pone den e lugar Dios kier, pasobra di tur forma Dios lo ricbi tur honor y gloria.

Ma si nos ta cana den lus, mescos cu E mes ta cana den lus, nos tin comunion cu otro , y e sanger di Hesus, su Yiu lo limpia nos di tur pica.(1 Juan 1 :7-9).

Den Juan capitulo 15:1-17: Hesus ta muestra nos tur cu berdaderamente nos mester permanece den dj'E y E den nos pa asina nos por duna fruta, ningun mata no por duna fruta si e no ta pega na e ranca. Pasobra un mata cu no ta pega na e ranca ta seca y muri y caba na nada.

Pero un ranca ta permanece den e mata, tur ora su blachinan lo ta berde y tambe e lo carga hopi fruta pasobra e a permanece den e mata.

Un bida dedica na Señor buscando crecemento dia tras dia, ta demostra un confiansa enorme den Dios su palabra. Pasobra nos no ta mira Dios, pero Dios si ta mira nos y ta sostene nos cu su palabra, pesey nos mester di su palabra tur dia.

Laga nos pone tur orguyo y falta di pordon un banda y busca e crecemento den Cristo Hesus nos Señor. Sinceramente Pastor Marcel Balootje.



Obituario

Publica serka nos anuncio di fayecimento di bo ser keri. Nos tin 2 pakete pa ofrece;

Pakete 1: Anuncio di fayecimento te dia cu e defunto ser dera
Gradicimento y invitashon pa misa pa 3 dia AFI 250,00

Pakete 2: Anuncio di fayecimento te dia cu e defunto ser dera
Gradicimento y invitashon pa misa pa 3 dia

Na Canal 22 1x prome cu Noticiero 22 Afl 400,00

Pa mas informashon por tuma contacto cu oficina na
585-9500 of na 741-4554

Parlamentario Shailiny Tromp-Lee (MEP): **EAGLE HISTORY TOUR**

Diabierna 16 di februari 2024 mi a asisti na e lansamento di e proyecto Eagle History Tour. E proyecto ta uno multifacetico y ta destina pa crea conocimiento riba e historia di e Refineria Eagle cu un tempo tabata aki na Aruba y e papel cu e la hunga durante Segunda Guerra Mundial.

E proyecto ta consisti di diferente fase y aspecto. E ta inclui entre otro un ruta di e edificacion cu ainda tey y indicacion di unda esunnan cu no tey mas tabata ubica. Alabes a crea un manera masha original di iluminacion pa haci e edificacion aki visibel. Otro aspecto cu sigur ta hopi importante ta cu lo bin cu programanan educativo pa asina hisa e conocimiento di historia aki y percura pa salvaguardia e historia di e refineria.

Mediante e proyecto ta purba tambe pa involucra nos hendenan y e turista brindando y promoviendo mas conocimiento di nos historia y patrimonio na un manera diferente. A scoge e fecha 16 di februari pa realisa e lansamento oficial di e proyecto mirando cu riba e fecha aki exactamente ochentidos aña pasa Aruba a keda involvi den e Segunda Guerra Mundial. Locual hopi persona awendia no sa ta e historia rico cu tin den e area di Eagle. No solamente pa e envolvimiento den guerra pero tambe pa e refineria cu tabata ubica den e area aki y cual a duna e bario di Eagle e nomber cu nos ta conoce te dia di awe. Teniendo dos refineria riba e isla sigur nos a hunga un rol importante como un di e productornan grandi di combustibel pa e aliadonan. Pa es motibo Alemania tabatin wowo riba Aruba y nan a manda un submarino pa bin destrui e dos refinerianan aki pa stroba e aliadonan haya nan combustible y den nan intento a ocasiona daño y morto.

Tabata na aña 1928 cu un di dos

refineria a keda construi na Aruba pa Royal Dutch Shell. E refineria aki a keda na Aruba te aña 1953. Mescos cu tabata e caso na Colony cu e refineria di Lago, e Arend Petroleum Company tabata tin su mes un bario cu casnan construi specialmente pa e trahadornan cu tabata bin di exterior, su propio hospital y areanan di recreacion pa e trahadornan y nan famianan. Banda di esaki a construi piernan pa transporte di materialnan y e petroleo pa procesa.

Mi ta aplaudi e trabounan importante haci pa Stichting Monumentenfonds Aruba (SMFA), demas stakeholders y personanan pa trece e historianan aki bek y conscientisa tocante e rol importante cu e bario di Eagle a hunga den historia di Aruba.

Despues cu na aña 2018 un grupo di estudiante di Hogeschool Rotterdam a investiga, inventarisa y indica e sitionan den e area di Eagle cu ainda ta visibel al igual cu esnan cu no tey mas, a logra crea un ruta historico cu e meta pa rebiba e historia practicamente lubida di e area di Eagle. E ruta aki lo mester duna informacion, ilumina y asina resalta e historia di e partinan mas importante di Eagle cu a forma parti di e Refineria. E studentenan a parti esaki den seis diferente punto. E oficina principal di e refineria (cual tey te awe ainda y ta un monumento proteha), e taratata werf, e pier principal y pier secundario, e area caminda e torpedo a keda lansa y e compound cual ta e parti di e bario di Eagle cu e keda construi specialmente pa e trahadornan di e refineria cu tabata bin di exterior y di cual ainda tin casnan original di mas cu ochenta aña.

Mi tabatin e honor di por a mira e prome iluminacion cu tabata di e edificio cu antes tabata e oficina principal di e refineria y cu awendia



ta localidad di Departamento di Recurso Humano di Gobierno. Manera Minister Xiomara Maduro a indica e proyecto di 'Eagle History Tour' sigur ta di sumo importancia pa nos pais mirando cu esaki lo ilumina parti di nos pasado, educa y alabes honra e sacrificio haci durante un di e capitulonnan mas scur den nos historia. E no ta trata solamente

di edificacionan y obhetonan pero di conmemora e victimanan di segunda Guerra Mundial.

Intencion ta cu den un futuro cercano lo pone borchinan na cinco diferente sitio cu QR code cu ta contene informacion importante di historia di e sitio den cuatro diferente idioma, mas obhetonan di arte y programanan educativo.



**Directiva di Sindicato TOPA
Trahadornan Organiza di Sector
Publico di Aruba**

Ta extende nos mas sincero
condolencia na famia di:

**"Sra. Aura Maria
Theijssen-Croes"**

Na bida suegra di sra. Vilma
Theijssen-Kock, miembro di
Directiva di Sindicato TOPA.

Cu Dios duna su famia hopi forza na
e momento dificil aki.

Cu sra. Aura sosega na paz